

Na osnovu člana 19. Zakona o Jedinštenom registru taksi i naknada u Federaciji Bosne i Hercegovine ("Službene novine Federacije BiH", broj 24/21), federalni ministar finansija - federalni ministar finansija donosi

**PRAVILNIK
O USPOSTAVLJANJU I VOĐENJU JEDINSTVENOG
REGISTRA TAKSI I NAKNADA U FEDERACIJI
BOSNE I HERCEGOVINE**

I. OSNOVNE ODREDBE

Član 1.

(Predmet)

- (1) Ovim pravilnikom propisuje se način uspostavljanja i vođenja Jedinštenog registra taksi i naknada u Federaciji Bosne i Hercegovine (u daljem tekstu: Jedinštveni registar), način upisa i pristupa podacima, kao i sadržaj i oblik obrasca za ažuriranje podataka u Jedinštenom registru.
- (2) Takse i naknade koje se uvode federalnim i kantonalnim propisima, kao i propisima koje donose nadležni organi jedinica lokalne samouprave, a koje se iskazuju i pripadaju budžetima u skladu sa posebnim propisom, u Jedinštenom registru evidentiraju se pojedinačno, sa precizno označenim svim elementima takse ili naknade koji su od značaja za krajnjeg korisnika, i koji osiguravaju poštivanje principa predviđenih u članu 3. Zakona o Jedinštenom registru taksi i naknada u Federaciji Bosne i Hercegovine (u daljem tekstu: Zakon o Jedinštenom registru).

Član 2.

(Primjena)

- (1) U skladu sa članom 5. Zakona o Jedinštenom registru, odredbe ovog pravilnika odnose se na Federalno ministarstvo finansija, kantonalna ministarstva finansija i službe za upravu jedinica lokalne samouprave nadležne za poslove finansija, koji su obveznici ažuriranja podataka u Jedinštenom registru.
- (2) U skladu sa članom 6. Zakona o Jedinštenom registru, odredbe ovog pravilnika odnose se na sve organe uprave i organizacije na svim nivoima vlasti u Federaciji Bosne i Hercegovine, koji su ovlašteni obrađivači ili predlagači propisa koji uređuju takse i naknade, a obveznici su izvještavanja podataka.
- (3) Odredbe ovog pravilnika u vezi sa postupkom ažuriranja podataka u Jedinštenom registru, primjenjuju se u smislu člana 8. Zakona o jedinstvenom registru i na postupak provjere podataka u Početnom registru.

**II. USPOSTAVA, AŽURIRANJE I VOĐENJE
JEDINSTVENOG REGISTRA**

Član 3.

(Obveznik uspostave i vođenja registra)

- (1) Federalno ministarstvo finansija (u daljem tekstu: Federalno ministarstvo) uspostavlja Jedinštveni registar istekom roka predviđenog u članu 9. stav (1) Zakona o Jedinštenom registru, migriranjem podataka iz postojeće elektronske baze podataka - Početnog registra, u odgovarajuću web aplikaciju.
- (2) Jedinštveni registar vodi i održava Federalno ministarstvo, uključujući poslove tehničkog održavanja i poslove provođenja sigurnosnih mjera informacionog sistema.

Član 4.

(Pristup Jedinštenom registru)

Jedinštenom registru pristupa se putem službene web stranice Federalnog ministarstva.

Član 5.

(Obrazac za ažuriranje podataka)

- (1) Obrazac za ažuriranje podataka (u daljem tekstu: obrazac) predstavlja sastavni dio ovog pravilnika i koristi se za:
 - a) provjeru podataka u Početnom registru u skladu sa članom 8. Zakona o Jedinštenom registru,
 - b) izmjene podataka u Jedinštenom registru koje obuhvataju uvođenje novih ili dopune postojećih taksi i naknada,
 - c) brisanje, ispravku ili drugi vid naknadnog ažuriranja podataka u Jedinštenom registru.

Član 6.

(Sadržaj obrasca)

- (1) DIO I obrasca sadrži slijedeća polja:
 - a) Redni broj, naziv polja u registru taksi i naknada, opis izmjene i/ili dopune;
 - b) Status;
 - c) Šifra prihoda;
 - d) Naziv takse/naknade;
 - e) Zakonski osnov;
 - f) Podzakonski propis/Opći akt;
 - g) Obveznik plaćanja;
 - h) Primalac;
 - i) Depozitni račun;
 - j) Raspodjela prihoda;
 - k) Učestalost i iznos takse/naknade;
 - l) Namjena sredstava;
 - m) Nadležni organ uprave/organizacije/općina/grad;
 - n) Tip takse/naknade;
 - o) Djelatnost;
 - p) Kategorija obveznika;
 - q) Svrha plaćanja takse/naknade;
 - r) Tip pripadnosti prihoda;
 - s) Nadležni nivo vlasti za donošenje propisa;
 - t) Korisnik javnog prihoda kojem se plaća;
 - u) Napomena.
- (2) Osim polja navedenih u stavu (1) ovog člana, DIO I obrasca sadrži i dodatna polja: "Pečat i potpis odgovornog lica obrađivača ili predlagača propisa" i "Mjesto i datum".
- (3) DIO II obrasca sadrži slijedeće:
 - a) odgovarajuća polja "POTPUN" i "NEPOTPUN", koja označavaju da li su podaci na obrascu dostavljeni u skladu sa Zakonom o Jedinštenom registru i ovim pravilnikom i
 - b) polje "Mjesto i datum".
- (4) Obrazac se objavljuje na službenoj web stranici Federalnog ministarstva, zajedno sa Uputstvom za popunjavanje obrasca koje čini njegov sastavni dio.

Član 7.

(Način podnošenja obrasca)

- (1) U rokovima utvrđenim članom 8. i članom 13. Zakona o jedinstvenom registru, obrazac se podnosi nadležnom obvezniku ažuriranja podataka, elektronski ili u štampanoj formi.
- (2) Elektronska verzija obrasca podnosi se u skeniranom obliku sa pečatom i potpisom odgovornog lica.

Član 8.

(Provjera sadržaja podnesenog obrasca)

- (1) Nadležni obveznik ažuriranja podataka provjerava formalni sadržaj podnesenog obrasca koji dostavlja obveznik izvještavanja i to:
 - a) da li je dostavljen u propisanom roku,
 - b) da li sadrži pečat i potpis odgovornog lica obrađivača ili predlagača, i
 - c) da li sadrži uredno popunjena polja sa podacima na osnovu kojih nadležni obveznik ažuriranja može

izvršiti unos ispravnih, odnosno dopunu nedostajućih podataka u skladu sa Zakonom o Jedinstvenom registru i ovim pravilnikom.

- (2) Ukoliko obveznik ažuriranja, nakon izvršene provjere propisane u stavu (1) ovog člana, konstatuje da je obveznik izvještavanja podnio formalno ispravan obrazac, označava polje "POTPUN" i u Zakonom o Jedinstvenom registru propisanom roku dužan je da izvrši unos ispravnih podataka, odnosno dopuni nedostajuće podatke.
- (3) Ukoliko nadležni obveznik ažuriranja utvrdi da obrazac ne sadrži sve potrebne podatke, da nije pravilno ovjeren od obrađivača ili predlagača, ili da nije podnesen u propisanom roku, dužan je najkasnije u roku od 7 dana od dana uočene nepravilnosti obrazac vratiti obvezniku izvještavanja, elektronski ili putem redovne pošte, sa označenim poljem "NEPOTPUN", uz kratak opis uočenih nedostataka koje je obveznik izvještavanja dužan ispraviti.

Član 9.

(Rok za dopunu nepotpunog obrasca)

Obveznik izvještavanja dužan je najkasnije u roku od 7 dana od dana prijema nepotpunog obrasca, ispraviti nedostatke i nadležnom obvezniku ažuriranja, isti dostaviti na način propisan ovim pravilnikom.

Član 10.

(Obavještanje o uočenim nepravilnostima)

Ukoliko obveznik izvještavanja ispravljeni obrazac ne dostavi u roku iz člana 9. ovog pravilnika, obveznik ažuriranja dužan je, o uočenim nepravilnostima izvijestiti nadležnu budžetsku inspekciju, kao i Federalno ministarstvo, u slučaju kada ažuriranje vrši kantonalno ministarstvo finansija i jedinica lokalne samouprave nadležna za poslove finansija.

III. PRELAZNE I ZAVRŠNE ODREDBE

Član 11.

(Nadzor nad pravilnikom)

Nadzor nad provođenjem ovog pravilnika vrši Federalno ministarstvo finansija i budžetska inspekcija.

Član 12.

(Stupanje na snagu)

Ovaj pravilnik stupa na snagu narednog dana od dana objavljivanja u "Službenim novinama Federacije BiH".

Broj 05-02-2-4824/21

Juna 2021. godine
Sarajevo

Ministrica
Jelka Milićević, s. r.

OBRAZAC ZA AŽURIRANJE PODATAKA U REGISTRU

Bosna i Hercegovina FEDERACIJA BOSNE I HERCEGOVINE Naziv organa uprave/organizacije:	OBRAZAC ZA AŽURIRANJE PODATAKA U REGISTRU
--	---

Dio 1: Popunjavanje obveznik izvještavanja

R.b.	Naziv polja u registru taksi i naknada	Opis izmjene i / ili dopune
	STATUS*	
1	Šifra prihoda	
2	Naziv takse/naknade	
3	Zakonski osnov (broj i datum objave u službenom glasilu)	
4	Podzakonski propis/Opći akt (broj i datum objave u službenom glasilu/broj i datum odluke)	
5	Obveznik plaćanja	
6	Primalac	
7	Depozitni račun	
8	Raspodjela prihoda	
9	Učestalost i iznos takse/naknade	
10	Namjena sredstava	
11	Nadležni organ uprave/organizacije/općina/grad	
12	Tip takse/naknade*	
13	Djelatnost*	
14	Kategorija obveznika*	

15	Svrha plaćanja takse/ naknade*	
16	Tip pripadnosti prihoda*	
17	Nadležni nivo vlasti za donošenje propisa*	
18	Korisnik javnog prihoda kojem se plaća*	
19	Napomena	

Pečat i potpis odgovornog lica
obrađivača ili predlagača propisa:

Mjesto i datum:

Dio 2: Popunjavanje obveznik ažuriranja		
Podaci u obrascu su:	POTPUNI: <input type="checkbox"/>	NEPOTPUNI: <input type="checkbox"/>

Mjesto i datum:

UPUTSTVO ZA POPUNJAVANJE OBRASCA ZA AŽURIRANJE PODATAKA U REGISTRU

Naziv organa uprave/organizacije - unijeti naziv organa uprave/organizacije koji popunjava obveznik izvještavanja.

Status - ovo polje definiše vrstu izmjene u registru taksi i naknada, tj. da li se uvodi nova taksa/naknada, vrši izmjena ili dopuna takse/naknade, ili se pak vrši ukidanje takse/naknade.

Šifra prihoda – ekonomski kod dodijeljen određenoj vrsti takse, odnosno naknade.

Naziv takse/naknade – naziv takse ili naknade definisan Pravilnikom o načinu uplate javnih prihoda budžeta i vanbudžetskih fondova na teritoriji FBiH (Službene novine FBiH 33/16, 89/16, 9/17, 33/17, 67/17, 9/18, 27/18, 55/18, 105/18, 18/19, 41/19), (u daljem tekstu: Pravilnik o načinu uplate javnih prihoda).

Zakonski osnov – zakon kojim se reguliše uvođenje takse ili naknade, odnosno osnov za donošenje propisa kojim se određuje npr. visina, odnosno stopa takse ili naknade, učestalost plaćanja i sl.

Podzakonski propis/Opći akt – propis donesen na osnovu zakona kojim se određuje npr. visina, odnosno stopa takse ili naknade, učestalost plaćanja i sl.

Obveznik – definiše obveznika plaćanja u skladu sa zakonskim, odnosno podzakonskim propisom/općim aktom.

Primalac – definiše primaoca javnih prihoda, u skladu sa zakonskim, odnosno podzakonskim propisom/općim aktom.

Depozitni račun – uplatni račun primaoca javnih prihoda, objavljen u Pravilniku o načinu uplate javnih prihoda.

Raspodjela prihoda – definiše korisnike prikupljenih javnih prihoda od takse ili naknade, u skladu sa zakonskim, odnosno podzakonskim propisom/općim aktom. *Primjer:* Posebna naknada za zaštitu od prirodnih i drugih nesreća uplaćuje se na kantonalni depozitni račun, a raspodjela prihoda prikupljenog po osnovu ove naknade vrši se između Federacije (15%), kantona (25%) i jedinice lokalne samouprave (60%).

Učestalost i iznos takse/naknade – definiše visinu (**procentualno ili u apsolutnom iznosu**) takse/naknade, te učestalost plaćanja, u skladu sa zakonskim, odnosno podzakonskim propisom/općim aktom. *Primjer:* Posebna naknada za zaštitu od prirodnih i drugih nesreća gdje je osnovica zbirni iznos neto plaća (722581) – Stopa je 0,5% na osnovicu koju čine isplaćene neto plaće zaposlenika u radnom odnosu. Obračunava se i uplaćuje istovremeno sa isplatom.

Namjena sredstava – definiše namjenu utroška sredstava u skladu sa zakonskim, odnosno podzakonskim propisom/općim aktom. *Primjer:* Namjena sredstava od Naknade zagađivača okoliša pravnih lica (722551):

Namjenska sredstva fonda s ciljem unapređivanja razvoja ekonomske strukture koja je povoljna po okoliš; sprečavanja štete po okoliš; otklanjanja nastale štete u okolišu; očuvanja zaštićenih prirodnih područja; motiviranja i unapređivanja najbolje raspoložive tehnologije i alternativa; unapređivanja ekološke svijesti javnosti i istraživanja okoliša.

Tip pripadnosti prihoda – polje koje se određuje u skladu sa elementima *Primalac* i *Raspodjela prihoda*, te nudi dvije opcije:

- **Izvorni** – Ukoliko postoji samo jedan primalac, odnosno prihod od takse/naknade se ne dijeli sa ostalim korisnicima javnih prihoda.

Primjer: Naknade za zakup javnih površina od kafea, restorana, kioska i pijaca (722463) – 100% prihod Budžeta Općine/Grada

- **Dijeljeni** – Ukoliko postoji više primalaca, odnosno prihod od takse/naknade se dijeli sa ostalim korisnicima javnih prihoda (nivoi vlasti ili fondovi, direkcije i sl.).
Primjer: Posebna naknada za zaštitu od prirodnih i drugih nesreća (722581) koja se dijeli između Federacije BiH, kantona i jedinice lokalne samouprave.
Tip takse/naknade – polje koje nudi tri opcije:
- **Korisničke** – plaćanje takse/naknade pri korištenju javnog dobra. Primjer: Posebna vodna naknada za korištenje površinskih i podzemnih voda za javnu vodoopskrbu (722523)
- **Obavezne** – plaćanje takse/naknade obavezno za sve djelatnosti. Primjer: Opća vodna naknada (722529)
- **Obavezne za osiguravajuća društva** – plaćanje takse/naknade obavezno samo za osiguravajuća društva. Primjer: Naknada za vatrogasne jedinice iz premije osiguranja imovine od požara i prirodnih sila (722583)
Djelatnost – polje koje definiše područje/područja djelatnosti za koje je karakteristično plaćanje takse/naknade.
Kategorija obveznika – polje koje nudi odabir jedne ili više opcija:
 - Privredna društva
 - Fizičko lice – samostalni poduzetnik
 - Fizičko lice – građani
 - Organi uprave i organizacije
 - Ostali (udruženja, fondacije i sl.)
- **Svrha plaćanja takse/naknade** – polje koje nudi odabir jedne od tri opcije:
- **Za poslovanje** – Ukoliko se taksa/naknada plaća za obavljanje djelatnosti. Primjer: Općinska komunalna naknada za istaknutu firmu (722322), Naknade za zakup javnih površina od kafea, restorana, kioska i pijaca (722463).
- **Za registraciju** – Ukoliko se taksa/naknada plaća pri registraciji privrednog društva/obrta. Primjer: Administrativna taksa BiH - Taksa na podnesak iz tarifnog broja 83 - potvrda o izmirenim obavezama - indirektni porezi (722801).
- **Pri korištenju usluge** – Ukoliko se taksa/naknada plaća jednokratno, pri korištenju specijalne usluge. Primjer: Federalne sudske takse od pravnih lica (722211)
Nadležni organi uprave/organizacije, općina/grad – polje koje nudi listu organa uprave i organizacija koji su nadležni za donošenje propisa koji reguliše **visinu (procentualno ili u apsolutnom iznosu)** takse odnosno naknade.
Primjer 1: Kod opće vodne naknade (722529) nadležno ministarstvo koje reguliše visinu takse/naknade jeste Federalno ministarstvo poljoprivrede, vodoprivrede i šumarstva.
Primjer 2: Kod općinskih komunalnih taksi (722321) visina taksi i naknada reguliše se na nivou jedinice lokalne samouprave, tako da nadležnost za regulisanje visine pripada Općini/Gradu.
Nadležni nivo vlasti za donošenje propisa – polje koje nudi odabir nivoa vlasti koji je nadležan za donošenje propisa kojim se uvode takse i naknade. Filter nudi odabir sljedećih opcija:
Bosna i Hercegovina
Federacija BiH
Unsko-sanski kanton

Posavski kanton
Tuzlanski kanton
Zeničko-dobojski kanton
Bosansko-podrinjski kanton
Srednjobosanski kanton
Hercegovačko-neretvanski kanton
Zapadno-hercegovački kanton
Kanton Sarajevo
Kanton 10
Grad
Općina

Primjer 1: Naknada po osnovu prirodnih pogodnosti – Renta – Na osnovu federalnog Zakona o građevinskom zemljištu, jedinice lokalne samouprave odlukom općinskog/gradskog vijeća utvrđuju visinu naknade, tako da je Federacija BiH nadležni nivo vlasti za donošenje propisa kojim se uvodi ova naknada.

Primjer 2: Općinske administrativne takse (Općina Čapljina) – Na osnovu kantonalnog Zakona o administrativnim taksama sa Tarifom administrativnih taksi (Službene novine HNK 2/13), jedinice lokalne samouprave odlukom općinskog/gradskog vijeća utvrđuju visinu taksi, npr. Odluka o upravnim pristojbama Općine Čapljina s Tarifom (Narodni list Općine Čapljina 5/18), te u ovom slučaju nadležni nivo vlasti za donošenje propisa kojim se uvodi plaćanje taksi je Hercegovačko-neretvanski kanton.

Primjer 3: Općinske komunalne takse (Grad Bihać) – visina taksi i naknada reguliše se Odlukom o komunalnim taksama (Službeni glasnik Grada Bihaća 4/19). S obzirom da Unsko-sanski kanton nema usvojen kantonalni zakon o komunalnim taksama, u ovom slučaju nadležni nivo vlasti za usvajanje propisa kojim se uvode takse i naknade jeste Grad.

Korisnik javnog prihoda kojem se plaća – polje koje određuje na čiji račun se vrši uplata takse ili naknade, te nudi odabir jedne od pet ponuđenih opcija:

- *Bosna i Hercegovina,*
- *Federacija BiH,*
- *Kantoni,*
- *Općine/Gradovi,*
- *Ostali (agencije, fondovi, direkcije)*